

Eg gjekk meg opp til seterli

Eg gjekk meg opp til seterli
 til jenta mi, ho var ikkje bli',
 ho var ikkje grei,
 ho svara meg nei,
 kvar vil du no her,
 du fær ikkje meg.

Men som det lei til laurdagskveld,
 eg pynta meg og gjekk i veg lell.
 Og vegen var bratt,
 eg gjekk og eg datt,
 eg kom ikkje fram før langt på natt.

Men som eg kom til seterstad,
 då vart eg glad: Ho svara meg ja.
 "Eg er ikkje vond,
 du ska' få rom,
 eg vart så glad eg såg du kom."

Så hengd' ho over gryta si
 med rjome i og koka til meg.
 Og grauten var heit,
 og han var feit,
 eg sku' skunda meg, -
 det var'kje greit.

Norsk folkevis

Norsk folketone

Kjelde: Norsk sangbok, Oslo 1998